



## **Vniuersa Theologia Scholastica, Speculatiua, Practica**

Ad methodum S. Thomæ, quatuor Tomis comprehensa

**Tanner, Adam**

**Ingolstadii, 1626**

VI. An & quomodo Angeli naturaliter cognosca[n]t actus internos alienæ  
mentis & voluntatis, seu cordis.

---

[urn:nbn:de:hbz:466:1-72856](#)

17 Nec obstant, quæ in contrarium obiciuntur argumenta, & fundamenta. Etenim i. quod brutum inter duo pabula æqualia constitutum, ad alterum feratur; dico hoc non futurum in differenter, sed determinatè pro varia eius tum interna dispositione vel imaginatione; aut externa aëris ventique aspiratione, &c. Quod si omnia ponantur æqualia, casus erit Metaphysicus, in quo facile negari poterit, brutum quicquam eorum, ob defectum conditionis requisita, nimirum debite propositionis obiecti, operaturum, donec aliud ab extrinseco determinetur. Nam vt at Sanctus Thomas quæst. 57. a. 4. ad 3. appetitus brutalis non est dominus sui actus, sed sequitur impressionem alterius causæ, corporalis vel spiritualis.

18 2. Siglobus igneus in centro terræ constituatur, dico eum sursum in omnes partes raptum iri; etiam ad minimas vñque sui, quantum naturaliter fieri potest, partitiones, donec tandem penitus dissoluatur & euanescat. Nec enim ob fugam corruptiōnis, naturalia agentia connaturales actiones suas pratermittunt, vt in igne & fumo sursum ascendeat videmus, ersi Suarez Metaph. loc. cit. putet non motum iri ob defectum conditionis ad agendum requisita.

19 3. Vt perfectum planum, in perfectum planum, vitreum prorsus vaiforme, lapidi itidem plano superpositum indicat, casus metaphysicus est; attamen si admittatur, puto nihil eo casu contractum iri, quia non est maior ratio, cur in has potius quam illas partes diffingatur, & violenta confractio quantum possunt resistunt partes omnes; nec tamen superari omnes ab agente possunt, alioquin in omnes suas partes commixendum esset vitrum, quod est impossibile. Idem in simili accidit, in quotidiano exemplo, dum ouum secundum longitudinem inter duas manus, quasi ad angulos rectos acceptum, & quamvis summa vi fortissime comprehendit, nulla vi frangi potest.

20 4. Quod agentia naturalia, quo ad individuam rationem actionis & effectus, dicuntur agere determinatione diuina, id quidem primum ad propositionem nil facit: quia non loquimur de effectu naturali, quatenus à Deo, sed præcisè quatenus à causa naturali dependet. Deinde principium illud, licet à Suarez loc. cit. Metaph. defendatur, minus tamen probabile videtur, & contra communem Philosophiam, secundum quam omnes cause naturales, cum omnibus suis circumstantijs, his velillis, ad agendum applicatae, ad suos effectus; etiam in particulari & individuo sua natura determinata existimantur, vt etiam Valsquez, & alij docent. Sed de his rebus plura Philosophi.

## D V B I V M . VI.

*An ē quomodo Angeli naturaliter cognoscant actus internos mentis alienæ, seu cogitationes cordum.*

S. Thomas 1. p. q. 57. a. 4.

Pertinet quidem etiam hæc quæstio ad cognitionem singulatum, & quidem si ad humani coridis, aut interni sensus affectiones & apprehensiones respiciamus, materialium; sed quia speciale difficultatem continet, meritò à S. Thoma seorsim, & in speciali articulo tractata est. Procedit autem quæstio præcipue quidem de actibus internis intellectus & voluntatis, tam hominum, quam Angelorum; at vero propter rerum similitudinem & nonnullam connexionem, etiam ad actus imaginationis & appetitus sensitivi extenditur. Difficultas autem est, vtrum hæc per se, & neque locutione, neque vñlo signo exteriori manifestata, cognosci ab Angelis naturaliter possint: nam si alii locutione congrua manifestentur; aut exteriori aliquo indicio se prodant, nullum est dubium, quin ab Angelis naturaliter cognosci possint, vt dicetur.

De qua est prima sententia Heruæ in 2. dist. 8. quæst. 3. vbi docet, cogitationes cuiusvis alterius hominis, aut Angeli, cognosci posse naturaliter ab Angelo quolibet; hoc solum excepto, quod intensio modum in his actibus nescit, vt videlicet in harum cognitione aliquid saltem soli Deo relinquere videatur. Sed qua sententia defendi nullo modo potest; quia non solum in se ipsa non cohæret; sed etiam principale assertum erroris periculo non caret, vt dicetur; vnde etiam Suarez hic lib. 2. cap. 22. num. 4. eam temeritatis arguit.

Secunda sententia est Durandi in 2. d. 8. quæst. 5. num. 10. qui non solum eam Heruæ sententiam, quoad priorem partem probabilem censet; sed & insuper addit (magis quidem consequenter sed auctiore errore) etiam ipsam actus intentionem ab Angelis naturaliter cognosci posse: ratus proinde, solius Dei proprium esse, omnes orthinò cogitationes, tam futuras, quam præsentes seu præteritas cognoscere. Fundamentum autem vtriusque sententia est. Quia isti actus omnes sunt entis quædam naturalia: Ergo naturaliter cognoscibilia à creato intellectu perfectissimo, qualis est angelicus.

Tertia sententia est, de facto quidem, Deo sic statuente, vel prohibente, nesciri ab Angelis eiusmodi cordium secreta, (cogitationes scilicet intellectus, & operationes voluntatis) vt Scriptura & SS. Patres inferiori citandi docent: attamen natura sua illis ignota non esse, ob rationem dictam. Ita Scotus in 2. d. 9. quæst. 2. & in 4. d. 10. q. 8. Bafolis in 2. d. 9. quæst. 2. Lychetus quæst. 1. Ockam in 2. q. 20. & quodlib. 4. q. 13. Gabriel in 2. d. 9. q. 2. a. 2. & in Canonem Missæ lect. 3. 1. Maior in 2. d. 9. q. 3. & Holcot in 2. quæst. 4. Differunt tamen à Scoto nonnulli cæteri. Hi enim asserunt, omnibus Angelis, etiam bonis, eiusmodi secreta esse à Deo abscondita. Scotus autem solum malis eiusmodi secreta abscondita esse indicat.

Quarta sententia est Argentina in 2. d. 9. q. 1. qui putat cognosci quidem ab Angelo cogitationes quoad simplicem apprehensionem; non verò quoad compositionem; hoc est, cognosci quidem, quid alius apprehendat, & de qua re cogitet; vtrum autem assentu, an dissensu, compositione affirmante, an negante de eo cogitet, naturali vi nescire. Atque in eundem etiam ferè sensum docuit Aegidius in 2. d. 7.

q. 2.

q. 2. art. 2. & tractatu de cognit. Angel. quæst. I. scire quidem Angelos, qua quis specie intelligibili vtatur, sed non quo modo, vel circa quid in particuliari. Eadem opinionem probabilem censet Durandus loco citato.

6 Quinta sententia est Henrici quodlib. 3. quæst. 3. cognosci quidem naturaliter ab Angelis tum cogitationes cordium, non solum de quo obiecto sint, sed etiam utrum sint affirmationes, an vero negationes; tum affectus seu actus voluntatis, quoad substantiam; non tamen ex qua intentione proueniunt, seu ad quem finem cogitationes vel affectiones illæ dirigantur. Quia, vt dicetur, nec tuto defendi possunt; nec inter se coherent: siquidem ipsa virtute etiam intentio finis substantialiter est affectus seu actus voluntatis: quare & hanc sententiam, temeritatis arguit Suarez loc. cit. num. 6.

7 Sexta sententia est, cognosci ab Angelo naturaliter, tum cogitationes interioris sensus, seu phantasiaz, adeoque & motus appetitus sensuum, tum etiam cogitationes intellectus quoad substantiam & secundum se, seu quatenus sunt præcisæ cogitationes talis obiecti; non tamen quatenus pendent aut procedunt à voluntate. Ipsas autem voluntatis affectiones seu libere sint, seu necessariae, dicuntur nec quoad substantiam quidem ab Angelis per se & in se cognosci. Refert hanc opinionem Durandus loc. cit. eamque postea docuit Alfonius Deza apud Vasquez disp. 210. c. 2. vbi hunc suum præceptorem laudat, ciuique sententiam etiam ipse velut probabilem tuerit; quamquam simul addit, se nolle in re tam abstrusa, cuiquam præiudicare, sed potius aliorum doctorum iudicio, quid verius sit, integrum relinqueret, &c. Idem videtur dicere Zumel q. 57. a. 4. q. 1. ad 2. vbi ait, omnes operationes, præterquam operationes voluntatis liberas, manifestas esse Angelo, secundum suam substantiam, tantumque esse occultas in intellectiones omnes, sensations, & appetitiones, in quantum libera sunt aut humana. Inferius tamen ad 3. sentire videtur, tantum cogitationes connaturales Angelo, seu quæ ex necessitate naturæ consequuntur, alteri Angelo esse manifestas.

8 Sed vera & communis sententia affirmat, liberas cogitationes & affectiones mentis, quæ scilicet intellectus & voluntate regantur, naturaliter ac per se, nisi aliquo signo externo prodantur ac manifestentur, ab Angelo cognosci non posse; quam sententiam sequentibus assertionibus distinctè explicamus.

9 Assertio I. Apprehensiones & motiones potentiarum sensituarum, etiam internarum, vt imaginationis, & appetitus sensuum, si quidem secundum se spectentur, & non vt voluntate reguntur aut pendunt, etiam in se ac directè ab Angelis cognosci naturaliter possunt. Hæc est communis sententia Doctorum, non solum quos hactenus citauimus, sed etiam aliorum, quos proassert. 5. citabimus: idque, expresse docet S. Thomas hic q. 57. art. 4. ad 3. vbi ait: Quia Angelis cognoscunt res corporales, & dispositiones earum, possunt per hac cognoscere, quod est in appetitu, & in apprehensione fantastica brutorum animalium, & etiam hominum, secundum quod in eis quandoque appetitus sensitivus procedit in actu, sequens aliquam impressionem corporalem, sicut in bruis semper est. Non

tamen aportet, quod Angelii cognoscant in eis appetitus sensitivus, & apprehensionem fantastica hominis; secundum quod mouentur a voluntate & ratione. Quia etiam inferior pars animæ participiat aliquid rationem, sicut obediens imperante, ut dicitur in Ethic. Nec tamen sequitur, quod si Angelus cognoscit, quod est in appetitu sensitivo, vel phantasia hominis, quod cognoscit id, quod est in cogitatione vel voluntate: quia intellectus & voluntas non subiaceant appetitu sensitivo & phantasia, sed potest ei diversimode uti. Ita S. Thomas, quem sequuntur etiam Thomistæ omnes.

Et quamvis Sanctus Thomas in verbis citatis significet, hæc solum cognosci ab Angelo per alias res corporales & dispositiones earum, velut per medium cognitum, verius tamen est, ea etiam in se & directè cognosci posse ab Angelo eo modo, quo supra dub. 2. & 4. vniuersim docuimus, eisdem species inditas dicentes representare subiectum vna cum suis accidentibus naturalibus & materialibus. Vnde etiam petitur ratio. Quia actus isti sunt actus materiales, qui & per corpus exercentur, & in corpore recipiuntur: sunt ergo obiecta eodem modo naturaliter cognoscibilia ab Angelo, sicut cætera accidentia naturalia & materialia.

10 Assertio II. Angelii naturaliter quoque cognoscere possunt, etiam in se ac quidditatue, tum species intentionales, tum habitus quoslibet naturales potentiarum, seu in alijs Angelis, seu in hominibus, etiam si habens talen habitum nollet cognosci. Ita de speciebus expresse Sanctus Thomas citat. artic. 4. ad 2. & vniuersim Vasquez disput. 211. numer. 44. ex communi contra Marsilium in 2. quæstione 6. art. 2. cuius sententiam quoad habitus ex actibus liberis acquisitos, non improbabilem censet Albertinus infra. Ratio assertoris est. Quia habitus isti sunt mera entia naturalia; nec ab his secretæ cordium vlo modo pendent.

11 Assertio III. Sed & interni quoque actus intellectus & voluntatis naturaliter cognosci possunt ab Angelo, quando & quatenus seu locutione Angelis accommodata, de qua quæstione sequente; seu externis signis aut effectibus, (vt est etiam quilibet corporis actio vel immutatio, inde consequens, aut cum tali affectu coniuncta) vel etiam ipsis internis motibus seu actibus potentiarum sensituarum produntur, aut in ipsis reliquent: idque eo maiori vel minori certitudine, quo maiorem vel minorem habent hæc signa cum interno voluntatis affectu connexionem; tanto vero, quam nos homines perspicacius, quanto melius ipsis modos & rationes omnes particulares eiusmodi actuū seu effectuum norunt. Ita Sanctus Thomas citata quæstione quinquagesima septima, articulo quarto in corp. & communis Doctorum, post Hieronymum in illud Matth. 15, De corde exenti, & Augustinum libro de diuinat. dæm. cap. 5.

Neque id libro secundo Retract. capite trigesimo ipse retractat, sed solum speciale quendam modum eiusmodi notificationis, in dubiu vocavit, vt notat S. Thomas ibidem, nimis per quædam signa sensibilium demonibus, & nobis occultis; Verba eius sunt: In eius libri quodam loco, ubi dixi, demones aliquando & hominum dispositiones non solum voce prolatas, verum etiam cogitatione conceptas; cum signa quædam

ex animo

*ex animo exprimuntur in corpore, tota facilitate perdiscre-  
re: Rem dixi occultissimam audaciore asseveratione,  
quam debui. Nam perenire ista ad notitiam dæmonum,  
per nonnulla etiam experimenta compertum est.  
Sed virum signa quædam dentur ex corpore cogitantium  
illæ sensibilia, nos autem latentia, an alia vi & ea spiri-  
tali ista cognoscant, aut difficultè potest ab hominibus,  
aut omnino non potest inneniri.*

*Supposuit autem Augustinus in eo libro dediu-  
nat dæmon. dæmones habere corpora aërea, & sen-  
sus acutissimos; & ideo signa illa subtilia quæ à dæ-  
monibus sentiri possint, etiam si nobis non pateant,  
excogitauit, vt notauit Suarez libro secundo capi-  
te vigesimo primo, numero secundo. Ratio autem  
assertionis est manifesta. Quia Angelis signa  
illa externa, simul etiam cum motionibus internorum  
sensuum, vt dictum, optimè norunt: & nos  
ipsi etiam per externa signa sèpe internas  
mentis cogitationes & affectiones non improba-  
biliter perdiscimus.*

**12** *Assertio IV. Probabile est, ipsos etiam internos  
actus intellectus & voluntatis, qui per se & ex sua-  
ratione Angelis naturales & plenè necessarij sunt,  
ab alijs Angelis etiam per se ac intuitiue cognosci:  
Secuse est, si qui actus solum sint necessarij quoad spe-  
cificationem, aut tantum per accidens. Primam  
partem docent Zumel hic citat. quæstione 57. articulo quarto. Albertinus tomo primo Princip. I.  
Coroll. 10. punct. 1. & Thomistæ recentiores cit.  
artic. 4. & significat Sanctus Thomas ibidem, cum  
ait, ea, quæ ex voluntate sola dependent, vel quæ in vo-  
luntate sola sunt, soli Deo esse (in se) nota. Ex sola au-  
tem voluntate dependere, significat illud, quod à libe-  
ra eius voluntate, nec obiecto scilicet, nec vllare,  
externa ad hoc necessitate, dependet, scit, inquit,  
cum aliquis haberet habitum scientia, vel species intelligi-  
biles in eo existentes, virtutis eis, cum vult. Ratio est.  
Tum quia actus isti, habent se per modum quasi na-  
turalium passionum; vt de naturali cognitione & a-  
more Dei, ac sui, suo loco inferius dubio octauo, ex  
probabilis sententia dicimus; adeoque sunt in gene-  
re non rerum liberarum & occularum, sed natura-  
lium & naturaliter ab Angelis cognoscibilium. Tum  
quia hoc ipso, quod naturaliter ab Angelis emanant, cognita essentia Angeli quidditatius & intuiti-  
vius, non videntur posse latere.*

**13** *Secunda pars, quoad actus solum necessarios, se-  
cundum specificationem, est communis omnium,  
qui ita de actibus liberis docent, vt dicimus; & ra-  
tio est eadem: quia hi actus simpliciter liberi sunt:  
quoad actus vero per accidens solum necessarios,  
etiam si necessarij sint quoad exercitium, vt sunt mo-  
tus voluntatis primo primi, seu indeliberti, &c. vi-  
detur ex mente Sancti Thomæ loco citato, non so-  
lum quando in corpore vniuersum dicit, cogitationes  
prosunt in intellectu, & affectiones prosunt in vo-  
luntate, à solo Deo cognosci; sed etiam quia resp. ad  
1. de statu beatitudinis loquens ait: Et tamen qual-  
itatem mentis, quantum ad quantitatem gratia & gloria  
representabit claritas corporis. Et sic unus mentem alterius  
vndere poterit. Si ergo à beatis Angelis quantitas gloriae (extra visionem beatificam) non vi-  
detur in seipso, sed solum in signo externo, idem vi-  
detur dicendum de actibus naturalibus per acci-*

*dens necessarijs, comparatis ad naturalem cogniti-  
onem alterius Angelii. Idem significant Zumel lo-  
co cit. item Gregorius de Valentia quæst. 8. punct. 4.  
& alij, dum vniuersaliter loquuntur; licet Alberti-  
nus loco citato, & Thomistæ recentiores etiam hæc  
per se ab Angelo vnoquoque cognosci posse existi-  
ment.*

*Ratio est. Quia sicut in genere & ordine entis,  
ita etiam in genere cognoscibilis, quodlibet est, &  
estimatur, ex eo potius, quod est illi perse, quam  
ex eo, quod est illi per accidens: Ergo hoc ipso  
quod actus illi, de quibus loquimur, per accidens  
solum necessarij sunt, per se vero ac sù natura-  
liberi, censendi sunt potius esse ex genere & nu-  
mero secretorum cordis, quam naturalium rerum  
vel proprietatum. Accedit, quod quisque tam  
merito velit eiusmodi osculta, ac saepet iofia, qua-  
patitur, alteri perse non esse manifesta. Denique  
cum eadem sit entitas eiusmodi actuum, imò vnu  
& idem actus possit successiue liber esse & necessari-  
rus, vt omnes fatentur, non videtur probabile; e-  
um in se protius inuariatum, intuitiue cognosci,  
cum necessarij; non item cum liber est, vt rectè  
etiam Vasquez loc. cit.*

*Verius est ergo, hæc non cognosci ab alio Ange-  
lo perse & in se; sed solum prout in causa, vel effe-  
ctu, seu alio signo exteriore aliquo modo mani-  
festantur, iuxta assertione tertiam. Et tale signum er-  
iam esse potest ipse habitus per aliquem actum ac-  
quisitus iuxta assertione secundam. Neque tamen  
ideo actus etiam liberi, qua liberi, in eiusmodi habi-  
tu cognosci, possunt; quia idem plenè habitus ex a-  
ctibus generatur, sive ij sint liberi, sive necessarij.  
Atque hanc assertione quoad vtramque partem  
video eodem plenè modo traditam à Suarez hic  
libro secundo capite 22. numero vndecimo, vbi ad-  
dit, de actibus voluntatis per accidens solum nec-  
cessarij, nec veram, nec probabilem sententiam esse, quod  
per se naturaliter ab Angelo cognosci possint.*

*Assertio V. At vero ipsos per se actus liberos ali-  
enæ voluntatis seu humanæ, seu Angelicæ, Angelii  
naturaliter cognoscere nullo modo possunt. Sen-  
sus est, non solum naturaliter non possunt cognosci in  
se & quidditatius, seu intuitiue, sed nec vllo modo,  
si per se spectentur; ita vt neque locutione, neque  
signo exteriori manifestentur. Ita docet San-  
ctus Thomas hic quæstione 57. articulo 4. & quæ-  
stione 16. de malo art. 8. & quæst. a. 13.  
& 3. cont. gent. capite 154. Ferrariensis ibidem,  
Caietanus & Thomistæ omnes hic cit. art. 4. Alen-  
sis 2. part. quæst. 26. memb. 3. Bonaventura in 2.  
d. 8. part. 2. art. 1. quæst. 6. Richardus art. 2. q. 4.  
Capreolus quæst. 1. art. 1. Ariminensis in 2. diff. 9.  
quæst. 1. Marsilius in 2. q. 6. a. 2. item Gregorius  
de Valentia q. 8. punct. 4. Molina hic q. 57. art. 4.  
Vasquez disp. 209. cap. 3. Albertinus tom. 1. prin-  
cip. 1. coroll. 10. Suarez Metaph. disp. 35. sect. 4.  
num. 5. & hic lib. 2. cap. 21. qui etiam censet, esse  
defide, eos actus naturaliter non posse in se certò &  
evidenter ab illis cognosci, nisi ab habente mani-  
festentur; quod etiam tradit Gregorius de Valentia  
loco citato.*

*Probatur primò ex Scriptura, quæ id Deo velut  
proprium tribuit. 3. Reg. octauo, versu 39. &*

2. Paralip. 6. v. 30. *Tu nos filius cor omnium filiorum hominum. Iob. 16. versu 20. Ecce testis meus, & conscientia mea in excelso. Psal. 7. v. 10. Scrutans corda & renes Dei. Psal. 43. v. 22. Ipse enim cognovit absconditacordis. Sap. 1. v. 6. Quoniam renum illius testis est Deus, & cordis illius scrutator. Ierem. 17. v. 9. Prae-  
sum est cor hominis & inscrutabile; & quis cognoscet illud? Ego Dominus, scrutans cor, & probans renes. 1 Corin-  
th. 2. v. 11. Viens est enim sermo Dei & efficax, &  
penetrabilior omni gladio accipiti, &c. & director cogitationum & intentionum cordis. Et non est villa creatura inuisibilis in conjectu eius: omnia autem nuda & aper-  
ta sunt oculis eius, ad quem nobis sermo.*

17 Secundo probatur ex Patribus. Origenes libro primo in Iob, ad illa verba, *Circuuit terram, ait, ne-  
scire de demonem ea, quae in corde atque animo trahantur.* Cyrillobus secundo in Ioana. capite decimo no-  
nno. *Nulli alij, sed dini et tantummodo natura Propheta attribuit illud, scrutans corda & renes Dei.* Chry-  
solomus homil. 30. in Matthæum. *Solus est Dei, me-  
mentem atque animos hominum cognoscere.* Hieronymus in illud Ierem. 17. *Prae-  
sum est cor hominis, ait: Hinc discimus, quod nullus cogitationum secreta cognoscit, nisi solus Deus.* Athanasius quæst. 27. ad Antio-  
chum. *Præcious rerum & cordium cognitor solus est Deus.* Nec enim Angeli cordis abscondita, vel futura vi-  
dere possunt. Item Gennadius de Eccles. dogm. capite 8. *Internas anima cogitationes diabolum non vi-  
dere, certi sumus.* Idem habet Augustinus libro de-  
cimo Confess. cap. 2. & in Psal. 7. & 141. & Calla-  
nus Collat. 7. cap. 13.

18 Tertio probatur ratione; quamvis enim eius rei causa, ex ipsa rei natura, reddere difficillimum-  
sit, ita ut affirmit Vasquez tam nesciri; tamen ra-  
tio Sancti Thomæ non est mala; quam ita mihi vi-  
dentur recte exposuisse Caeteranus & Bannes citat.  
articulo quarto, & Albertinus prim. part. coroll. 10.  
numero decimo quarto. Intellectus Angelicus tan-  
tum habet facultatem naturalem ad ea cognoscenda,  
quaे pertinent ad ordinem naturæ; sed cogita-  
tiones & volunties liberae non sunt eiusmodi;  
cum dependeant solum à causa libera; quaе proinde  
pertinent ad ordinem quendam superiorem ex-  
emptum ab ordine naturæ: Ergo, &c. His acce-  
dit causa moralis. Quia ad decentem gubernationem,  
& subordinationem liberorum agentium inter se, planè spectabat, ut eiusmodi motiones cordium essent occultæ, nisi manifestarentur. Cum  
ergo species Angelicæ non profluant ex essentia An-  
geli, recte & conuenienter naturæ Angelicæ Deus eiusmodi cognitionum species vel non indi priu-  
quam manifestentur; vel certe, quod verius est, car-  
rum vñum quod haec obiecta dependeret voluit à  
voluntate alterius Angeli, ut à conditione, ut recte  
Valentia loco citato, & in simili dictum de cogni-  
tione futurorum dubio præcedenti, & pluribus dic-  
etur quæstione sequenti dubio primo, esti Suarez  
capite vigesimo tertio & 24. priori solum rationi  
infistat.

19 Allatio VI. Idem dicendum de actibus intel-  
lectus tua natura liberis in Angelo. Ita Sanctus Tho-  
mas hic cit. quæst. 57. art. 4. & omnes pro præ-  
dictione assertione citati. Est contra sextam sententiam  
superius relataam: & colligitur ex citatis Scrip-

turæ & Patrum testimonij; quaे generaliter ferè de  
cordium & mentium secretis loquuntur; nonnulla  
etiam aperte de cogitationibus mentis. Ratio est.  
Tum quia tam secundum entitatem, quam mores,  
par est ratio actuum intellectus & voluntatis; maxi-  
mè cum secreta cordium in actib⁹ consilij & iudicij  
prædicti potissimum consistant. Tum quia ex intel-  
lectus aduentitia, seu cognitione ac dispositione  
dependet libertas ac necessitas actuum voluntatis,  
aliorumque qui ex voluntate dependent. Cum er-  
go certum sit, nec actus internos voluntatis, nec et-  
iam aliarum potentiarum, quatenus à libera volun-  
tate dependent, cognosci posse naturaliter ab An-  
gelo; necessariò fatendum est, internam intellectus  
dispositionem, & actus, per se naturaliter ab Ange-  
lo cognosci non posse: Alijs dicendum est, natu-  
raliter seire Angelum, quoties motus prauia appeti-  
tus sensitiui in homine indirectè saltim voluntarij,  
adeoque peccata essent.

Nec obstat, quod comunitet dici solet, utrumque  
tam bonum, quam malum Angelum, qui vnicuiq;  
hominis assistunt, scire & notare, ad Christum Iudi-  
cem deferenda, omnia peccata etiam occulta & in-  
terna hominis. Id enim Angelis bonis, siue per spe-  
ciale revelationem Dei, siue per visionem beatifi-  
cam recte conuenire potest: malis vero id non tri-  
buendum, nisi quatenus ex signis externis de secretis  
cordium iudicare possunt, ut assert. 3. dictum;  
quamvis cum spiritus illi temerarij sint, in eo iudicio  
sepe decipiuntur, ut in simili dictum dicitur. præced.  
Nec vero ex solisphantasmatibus certò potest co-  
gnosci, quid ratio aduerterat, quia ex eisdem phanta-  
matibus ratio nostra in diversi tendit cogitando, ut dixit  
S. Thomas q. 8. de verit. a. 13. ad 4.

21 Atque ex his colligitur, primam, secundam, &  
quintam sententiam ex superiori relatis, non satis es-  
se tutas; cæteras vero non admodum conformes  
Scriptura & Patribus, partim nec rationi; ut recte  
Gregorius de Valencia & Suarez lib. 2. cap. 22. alij-  
que recentiores citati.

## D V B I V M VII.

### De obiecto Cognitionis Angelica, respectus obiectorum superna- turalium.

S. Thomas 1. p. q. 57. a. 5.

**O** Missis varijs disputationibus, quas in particula-  
ri hic multi instituunt, de hoc vel illo fidei my-  
sterio, doctrinam huius loci breuiter sequentibus af-  
fertionibus comprehendimus.

Assertio I. Res seu effectus supernaturales solum  
quoad productionis modum, eò quod sicut præter  
naturæ ordinem, & supra vires agentis naturalis,  
cum tamen interim in se sint ordinis naturalis, adeo-  
que formæ quædam sua natura producibles ab ag-  
ente naturali, ut est verbi gratia illuminatio cæci,  
mortuus resuscitatus, lumen in aere productum,  
absque corpore lucido, &c. possunt, cum existunt,  
naturaliter & intuitu ab Angelis cognosci. Ita re-  
centiores citandi post Durandum 4. dist. 10. q. 4. ex  
communi. Ratio est. Quia hoc ipso, quod sunt res &